

屋彼誅十門九絕才身不免萬無一存漏誅
 殘喘者孤苦伶仃覆宗絕嗣者窮年索寞
 誰薦按空負寒心沉在黃流之外疆場之郊
 當此之危甚於他所驚魂滯魄長劫難伸須
 仗玄勳始能解脫今蒙熊主其官等與大慈
 願發上善心乃就其觀修設无上黃錄大齋
 供養三清玉虛諸聖位昇仙與度魂相對明
 善惡之殊陰南昌與北府為隣示仙凡之異
 格潔清壇燁整肅方隅延降高真希垂景照
 仍敦請南京朝元宮接雲真人掌行醮事意
 者薦拔其路無主孤魂洎各家先亡滯魄有
 親無力附簡提靈伏冀孝子順孫思宗念祖
 各罄丹誠具瞻真聖香花燈燭藉為慧照光
 輝星斗壇場權作彌羅境界俱沾惠澤淹沉
 枯朽俱獲重蘇高蹈慈航鬱結幽明皆承濟
 度親疎慶賴宗祖超昇上願皇圖永固聖德
 惟新邊鄙休兵士民樂業十方三界六道四
 生有識無情俱蒙道蔭今此玄壇潔備法事
 嚴行畧序片言紀之於石
 雲山集卷之七

雲山集卷之八

元八

知帝真人 姬志真 撰
 京兆普度碑

己未冬十月西涼府太子下官八合宿有素
 願修建無上黃錄醮事即本府迎祥觀自春
 抵秋普營殿堂封治壇場不逮敦請棲雲真
 人作大濟度師主張法席越某日召集羽流
 布陳儀象發又預告三界明真上下神祇齋
 戒精思庶物歲事望前三日舉行典禮恭紀
 列聖三百六十分位意者薦濟宗族遠亡近
 化洎率土無主孤魂兼有親之祀之家投壇
 附薦自此及彼無戚無疎俱賴薰修普祈超
 度如是行道三日兩夜望後一日昧爽散壇
 乃畢盡誠竭力亦仁孝之用心也嘗試言之
 天地一氣物我同根方萬化之弛張布眾形
 而區別雜以五行之生剋均以四序之推遷
 其變日新化亦罔極此氣動用之常也而又
 一受其形執以為我有於是相與靡刀對待
 則有強弱廢興死而後已殊不知氣之所役
 時之所運數之所存理之所在一償一起有

始有終得失存亡天之所造孰能禦之為之
 者敗執之者失逆之者滅順之者昌有智者
 窮有力者負蓋人之不可勝天久矣方今皇
 朝應運奄有諸夏朔南漢北東海西涼異軌
 殊途咸歸一統天下無二道率土無兩心向
 之兵革屠裂備經之矣彼之宗祀覆絕俱見
 之矣以今較昔萬無一存以已方人身獲安
 吉枝葉滋蔓有人爵之從納自天之祐以身
 之幸思天下之不幸以已之親念天下之無
 親合氣同根得無感慨是以允懷素願披露
 丹衷仗玄元救物之慈啓黃錄大齋之法仰
 眾真之善力冀三境之垂光照燭幽冥開通
 陰府收攝萬氣久沉之魄悉歸源混合百神
 無主之魂皆獲奉共乘和氣幽贊 皇圖一
 混車書載素弓矢多方順化四海歸仁亦臣
 子之至願也雖筵潔備法事嚴行刻石紀功
 庶傳不朽揆實而直書其銘曰
 夫物芸芸 各復其根 往而不返
 無主之魂 執守之魄 不得其門
 依草附木 莫知所存 況在共產

連年不息 殄殲勦絕 萬不存一
驚魂失措 轉徙沉溺 隨化往來
動經劫石 今承顯主 發上善心
崇修黃籙 拔擢幽沉 普天率土
往古來今 無踪無戚 俱賴威音
虛魄以歸 遊魂復本 介見者潛
承立者泯 何彼何此 咸居範圍
沖氣冥會 承平庶幾

黃籙大齋碑

人生天地間如蓬蘆逐波之暫寄距以百年
光景之速猶白駒之過隙忽然而已未有常
而不化者也而人在數十年中或壽或夭形
有定數各不自知朝夕如是求其出化機之
表入太漠之鄉者幾人哉自是而下孰能勉
之夫為子者乃父母之委蛇也生死之間將
何以報是以生當愛敬死當哀戚裡祀不忘
禮之常也載思其親向之在世為身為我及
諸葛處訪引七情六欲之所謾昧無時不長
無時不為過積丘山善無絲忽今也骨骸委
地魂魄投空滅而不續則若存而不滅果安

在哉其在此乎在彼乎墮冥府之考校乎遊
天上之宮闕乎其出入於六道四生乎其復
生於人世乎嗚呼未可知也有居無事而推之
者矣若有真宰所司以幽明之異趣昧然罔
識冥冥悠悠而已可不大家耶是以孝心不
忘思親報本其恩固極泣血傷心匪仗玄勳
憑何薦拔因當竭誠致敬披露丹衷祈禱高
真希垂開度幸冀靈魂超越苦趣不逢亦感
通之理也茲辰某人奉薦亡父母於今日日
化當修之辰謹修黃籙大齋供聖若干分位
敦請某師掌行醮事及命玄壇清眾進表上
章依科行道某日為始發牒至某日焚詞告
畢既來茲會潔淨壇各登丹誠同心薦拔
乃孝子仁人之盡心也威儀既備法事嚴行
報本之誠宜書諸石以示來者亦勸善之聲
壺也其銘曰

子之事親 死如奉生 以享一薦
泣血投誠 父母之靈 伯乎冥冥
思以報本 盡天之經 詣此琳宮
玉清之境 祈以消滌 氣濁悉昇

羣真輔轅 眾聖同盟 雲霞耕集
師德成臻 慈雲法雨 如雷如震
火庭煉度 炊累超昇

南昌觀碑

道無事物無非道通六合之內外貫萬有
之洪纖莫不皆存是以天得之而清地得之
而寧三景得之而明四序得之而運聖人得
之所以垂世立教蓋稟無名之樸降為鎮化
之師妙用滋彰神功昭著靈源一發正氣橫
流雖少驟之殊時亦汗隆而順世道無增損
用有行藏開闢以來洪荒莫紀中古以來歷
舉其人伏羲之時鬱華子神農之時大成子
黃帝之時廣成子顓頊之時赤精子高辛之
時錄圖子堯有務成子舜有尹壽子禹有真
行子湯有錫則子之人也之德也皆出經傳
道代為帝師玄派洪濶波及羣品具載玄藏
間有銷聲拂迹嘉遜忘名者莫知紀極殿月
之世老氏出焉挫銳解紛隨機應化復之以
虛極靜篤中之以治人事天二篇四輔之存
諸子百家之學瓊林競秀蘭友爭芳霜心雪

臆之倫被揭懷五月收星冠之侶負笈擔簦
 經籍圖錄之支分科律典章之變衍製玉體
 瓊漿之飲服五金八石之丹或鍊形行氣或
 吐故納新辟惡祛邪行符治鬼此應世養形
 之急旨輔道之事非為道之道也其於歸根
 復命之理有所忽諸近代重陽天挺神授絕
 累捐塵建立夫根輪泉源掃蕩乎波瀾枝葉
 輔之以清淨真實應之以柔順謙沖具天地
 之大全完古今之大跡也道傳東海數子皆
 能鼓舞服膺聞風唱和天下化之泊乎皇朝
 聖祖御極之初兼崇道德長春真人應召之
 後大闢門庭室中之席不虛戶外之屨常滿
 及嗣教清和真人作大宗師寵膺上命眷靈
 接迹宮觀相望雖避荒遠裔深山大澤皆有
 其人茲歷亭之北里不及舍聚落之墅曰屯
 庄富里之觀曰南昌爰自葆光大師之所建
 也師姓朱氏名志明本土居人葆光則其道
 號云盛年穎悟捐俗而道師事抱陽子劉志
 甫即太古真人之高弟也大師親炙左右日
 改月化大家印可中年復經父母之邦周覽

故居荒蕪四塞仍存基址而已大師率徒就
 荒開徑墾闢其地以畝計者頃之半及蒙州
 主張侯給文以主之於是採之築之經之營
 之鳩功締構曾未決辰大成其事太上有殿
 雲會有堂瞻真境之粹容副與人之至願薦
 蕪蕭於藪且篤香火於是昏丕贊皇圖延洪
 寶命善沾遐邇波及生靈報本尊師酬恩育
 德其在茲乎甫成之始請名於宗師額之曰
 南昌功成之後師歿其狂言與其不可言者
 而往矣古今相繼而傳者皆不聞可見之跡
 也跡非其本也其本則恬淡寂寞虛無無為
 乃天地之平道德之正存乎吾宗而已非見
 聞之可接也所以紛華泯絕枯朽回春人非
 幻化之人物非幻境之物此聖人之所以教
 人而有師資之道焉宮觀之作取象以明有
 乎顯若之禮所以為國薰修厥有旨哉知觀
 劉某不遠而來祈余紀實將追述前人之功
 業冀未來之勉旃故不可以淺淺辭姑從其
 說而直書其銘曰

歷代真仙 樞環應圓 汗隆順世

隱顯從天 重陽發源 長春尤盛
 大振真風 全提正令 有曰抱陽
 其嗣葆光 太古之孫 道價諸方
 故里經營 圓成勝樂 福羽以持
 德輔以載 遊居寢息 焚修敢忘
 皇壽以祝 地久天長 民福以祈
 簡簡穰穰 懇懇旦夕 一炷心香
 巢雲過真記

秦有巢雲者不知族氏及何許人也避始皇
 版築之役而逃於大行之麓披榛攬葛登極
 延險直趨高遠深遠鳥道人跡之不可至者
 而後止焉木食澗飲尋及茂林叢灌營巢而
 處其上故號巢雲斯人也方自擾攘迫側之
 間捐其俗累出於世網如脫兔焉木石為隣
 鹿豕為侶幸免人世驅率凌虐之苦特以散
 誕無拘自樂擔將終身焉久習虛靜觀閑中
 之日月始覺其長矣物外之雲霞不勝其喜
 追憶曩日雜紛紜之白蠟冒汨沒之黃塵如
 在烘鑪沸鼎爰爆煎者其苦楚可勝道哉今
 也雖踐豺虎之徑路攀猿猴之巖穴而與世

殊絕豈有他哉。冀獲解緩，安不擾性命之情故也。或行或立，或坐或卧，躊躇四顧，山寂寂，水泠泠，鳥之和鳴，獸之馴狎，草木競秀，峯巒爭雄，以為壺天閭苑，紫府瑤臺，神仙窟宅。無過此也。時復松陰草徑，被髮行歌，林際溪邊，孤身影舞，其自得也如是。棲遲有年，俗慮泯絕，不知人世之易為漢邪，為魏邪，不知自身之幻為物邪，為我邪。厭黃精，飲蒼木，飲清泉，坐白石，形解恍惚，猶如假寐。有一老仙青鬢芳瞳，美髯髻髻，手拈芝草，足履慶雲，降於坐側，指而呼之曰：「吾子癩疾，山林膏肓，泉石則與顛暎於塵境者無異矣。特樂其靜久，必繼之以哀而動矣。吾今付汝以無名之朴，以鎮之，則可解汝之靜縛，而超乎崑崙之上。汝欲之乎？」巢雲遽然而起，再拜稽首，膝行而前，曰：「敢問其方。」老仙咄令默坐，瞑目掩耳，乃以利刀剖其背，而刺其心。然後合之，傳以神藥。畢曰：「無名之樸，仙聖之種，置之背中矣。汝當護持，既而香杳冥冥，然不知其所以然。而然也。良久之間，若寢之覺，若醉之醒，顧視

其傍，夫老仙之所在，捫其心，胷平復如舊。頓覺空洞，惺酒精神，爽朗和氣，橫數具軀，恬然天光內發，清靜本然。且初靈物寬舒自得，滄海之濶不足，以喻其大。雲水之閑不足，以比其優。透脫玄關，玲瓏智藏，得無見之見，解不知之知，混冥與天地並生，和同與萬物為一。無彼也，無此也。高厚內外，一轉周遍。巨細洪纖，一性含攝。然後鼓舞提携，哦無聲之詩，吹無孔之笛，彈沒絃之琴，唱無生之曲。聲振天地，而世未之嘗聞也。以致龍吟鳳嘯，鸞舞鸞翔，躡景凌虛，乘風御氣，皆可為之，而能不為也。居山歷久，樵獵者偶而見異之名，不可掩。漸通蹊徑，間有一二好道者，尋及參謁。時有士人崇伯華，聞巢雲之風，不憚崎嶇，而往觀之。與偕來者，數輩既至，視巢雲山谷枯槁之狀，責之曰：「大丈夫胃蟠錦繡，氣吐虹蜺，首出庶物，澤及羣生，建大功，處大名，步金闈，鳴玉珂，在鳥則為鳳，在獸則為龍，不曰寧為雞口，莫為牛後，此人情之所共欲也。今子獨戚戚然，局局然，縮首於深山窮谷，曾覩緘井蛙之

不若何不憤之堪乎。巢雲舉首仰天而噓，徐而對曰：「子不見夫天地之間，一氣之流，布陰陽之開闔，雲雨之變化，日月之照臨，風雷之鼓舞，霜露之生殺，用各不同。此本乎天，而親上者也。山之靜川之流，火之燥金之堅，木之植石之固，禽之飛獸之走，魚之遊蟲之動，蛸翹蠹蠕，各稟不同。此本乎地，而親下者也。素分已定，不可相易。已定之分，不可惡日新之變。不可知而人，以知識妄計，將以力取，安有躡等而得之者乎。所謂不知常而妄作也。然秋毫之微，太山之巨，彭祖之壽，殤子之夭，崇之富，憲之貧，素分已定矣。以道觀之，有形有數，倏忽皆空。則大小壽夭貧富貴賤，無以異矣。吾有非小，大非形數，無壽夭無貧富無貴賤者，存於中，歷劫不壞，亦已定矣。復何慊乎。」伯華曰：「有奇材而用於世，則能庇於人。今子為人而無用於世，乃無用之人而已。巢雲曰：「汝以無用為苦，而不知有用之害也。物之生以身口之適，為人所制，而苦其生如馬之致遠，牛之引重，輻輳在前，鞭策在後，特以芻菽

之安而殘其性命之情也故曰巧者常勞智
者常憂直木必伐甘井先竭漆有用則割桂
可食則折膏以明而煎皮以熾而麩蠶以蠶
而累鳥以言而籠此皆以世有用而不安其
性命之情也伯華曰無用固善其如養生何
巢雲曰世之所謂養生者不過充實其口鉢
而已是知生之具而不知生之主也生之所
主者神也神存則生神逝則死貪生求養殘
虐神主持以香味供其口鼻色聲嗅其耳目
六欲七情三毒五濁諸妄百邪皆傷其神神
傷則逝神逝則身亡身亡則吾生何有此世
之所謂養生者果不足以存生以不得無用
故也伯華曰何謂無用之用巢雲曰汝獨不
見夫水之不動而澄鏡之不垢而明者乎物
未斯照應而不藏往而不留照而無照用而
無用所謂無用之用也無用之用故不勞其
鉢而鉢常靜無照之照故不傷其明而明常
然若心也自求有用則視不用目聽不用耳
言不用口嗅不用鼻拈不用手行不用足四
支百鉢俱為不遂若風痺癱瘓之人也吾心

無用而百鉢為之用昊天無為而萬象自馳
大地無能而萬物自化無用也無不用也無
思也無不思也無為也無不為也天地相通
造化相同鬼神莫測巨細洪纖皆具吾性中
經萬劫而未嘗變壞豈肯以塵垢執糠幻化
形物為事哉去汝鄙人也無亂吾事伯華茫
然口張而不能嗚良久拜辭而退

開州神清觀記

夫道之所以興乎世世之所以興乎道道與
世交與則俱飲玄化忘其觀觀攘竊之行人
日遷善舉安其性命之情而無犯分亂常者
不幾乎平泰之時矣道之於世豈小補哉方
膺皇朝革命百廢俱作長春真人應召之後
稅駕燕然石髓重開瓊函再啓天下之嚮風
者奔趨接迹其立志超卓為人之所不能為
者有張公先生乃其人也名志信號道遠子
彰川人賦性剛決芥視塵累丁貞祐南遷之
亂居民嘯聚互相攻剽先生慮禍所及以身
為大患自逸而之深山窮谷思所以出世之
方而未之得也聞棲雲王老師開道盤山而

方來之學道者多從之遂不遠千里跣足往
覘其所以而聶許為久之獲預席下鄭重參
謁曾無少怠曲盡其妙辭師下山鶴居穀食
心之所存非向之有我者之能為也特以天
地為遠虛形骸為遠旅衣絮帶索面垢首蓬
歲時寒暑之易一如也自始及終其志不變
若有人之形而無人之情視塵物之往來人
事之膠擾猶鳥雀蚊虻之過乎前未嘗介意
非有得於中者能如是乎蓋陰隙守神藏身
深妙而得其所謂大本大宗自亘古以固存
者歟世以迹觀之特見其制行清苦而人不
堪庸詎窺其闢奧而識之哉丁亥秋七月先
生少及澶淵是俗洒然異之有尸而祝之之
意焉縣令趙侯見而敦請留居於靈顯真君
之廟時往餉之自是遊其門者日數之而不
及也其徒數百人坐不教立不議虛往實歸
者有之會首蔡公喜其為人也以已廟側之
田文而界之別為卜築締構俾居而處之安
撫使王公嘉其制行嚴謹裁成贊助浸興是
觀崇修正殿以奉三清次建堂廚以延靜侶

023.0.110.0

文室序列以宜福地吉成走請於宗師其人
 額之曰神清嘗試論之人由道立道由人私
 得之於中應之於外是以亢倉子之在魯而
 細民有社而櫻之之思列禦寇之適齊而五
 穀有爭而饋之之敬蓋存己之性以混天地
 萬物之性則無所不通保己之和以合天地
 萬物之和則無所不至由是觀之動高厚感
 鬼神入水火貫金石巨細皆應而況於人乎
 夫飲人以和者孰不愛敬之哉道遠于張公
 可謂有矣其徒趙志完謂其人之志操思其
 所居之陳迹將刊諸石以壽其傳屬予為文
 固辭不可據其說而紀之太歲強圍大荒落
 春正月望後五日記

雲山集卷之八終

仙樂集卷之一

神山無為應緣長生子劉處玄造

第一

天道罪福論

無火院罪賜清涼福	無惡濁罪賜善清福	無苦惱罪賜知足福	無讚邪罪賜明正福	無萬愛罪賜萬清福	無分別罪賜善通福	無戀世罪賜洞天福	無姦狡罪賜如意福	無慢人罪賜天祐福	無俗惡罪賜道善福	無縱心罪賜通通福	無狐疑罪賜感應福	無動靜罪賜真常福	無地獄罪賜天堂福	無生滅罪賜超昇福	無是非罪賜道德福	無害命罪賜延年福
無貪姪罪賜安樂福	無憎愛罪賜清平福	無著身罪賜修真福	無毀人罪賜讚己福	無妄想罪賜通仙福	無妬嫌罪賜歸順福	無怕衰罪賜松筠福	無輕人罪賜重己福	無戀假罪賜明真福	無攀高罪賜德歸福	無壽者罪賜長生福	無恩克罪賜仙伴福	無退道罪賜祖先福	無有為罪賜無為福	無狼毒罪賜全身福	無妄傳罪賜大成福	無自高罪賜人敬福

無揀擇罪賜無窮福	無損氣罪賜順神福	無私邪罪賜公正福	無惡有罪賜無生福	無人道罪賜天道福	無損人罪賜益壽福	無嫉妬罪賜羨善福	無惡逆罪賜孝子福	無公平則賜生滅罪	無常情則賜壽夭罪	無清潔則賜濁淺罪	無厭寵則賜多辱罪	無善福則賜惡報罪	無明見則賜幽冥罪	無真常則賜榮枯罪	無鍊形則賜販骨罪	無愛善則賜墮惡罪	無大達則賜福業罪	無遠小危賜大禍罪	無順道則賜刀山罪
無總濁罪賜清真福	無懷惡罪賜心安福	無戀富罪賜天樂福	無剛硬罪賜上善福	無多藏罪賜萬光福	無殺害罪賜修生福	無攀緣罪賜全神福	無善道則賜輪回罪	無忘貪則賜不足罪	無通變則賜愚魯罪	無悟道則賜迷俗罪	無就下則賜危險罪	無三孝則賜十惡罪	無真禧則賜身墮罪	無厭世則賜萬濁罪	無悟真則賜迷偽罪	無福慧則賜墮落罪	無靈明則賜昏迷罪	無禁口非賜拔舌罪	無害物則免錢湯罪